

PJESË NGA KUSHTET E PËRGJITHSHME TË SIGURIMIT NGA ZJARRI

1. TERMA TË PËRGJITHSHME

"Kushtet e Përgjithshme të Kontratës për Sigurimin nga Zjarri", këtu më poshtë do të quhen shkurtimisht "Kushtet e Sigurimit".

Shoqëria e sigurimeve "ANSIG" Sh.A. këtu më poshtë do të quhet shkurtimisht "Siguruesi".

Personi fizik ose juridik, interesi pasuror i të cilit do të mbulohet sipas këtyre "Kushteve të Sigurimit nga Zjarri", do të quhet shkurtimisht "I Siguruari".

Personi fizik ose juridik, që ka interes pasuror mbi objektin e siguruar dhe në dobi të të cilit lidhet kontrata, këtu më poshtë do të quhet "Përfituesi".

2. OBJEKTI I SIGURIMIT

Siguruesi ofron sigurimin nga zjarri për objektet e mëposhtme:

2.1. Pasurinë e paluajteshme, ndërtesat dhe pjesë të tjera të njësisë;

2.2. Pasurinë e luajteshme.

3. RREZIQET E SIGURIMIT

3.1. Siguruesi dëmshperblen të Siguararin për humbjen, dëmtimin ose shkatërrimin e pasurisë së siguruar në mënyrë të papritur, të paparashikuar dhe aksidentale si pasojë e:

a. zjarrit; b. rrufesë; c. eksplozionit;

d. përplasjes ose rënies së një avioni, pjesëve ose ngarkesës së tij;

e. përpjekjeve për shuarjen e zjarrit, prishjeve ose lëvizjeve në lidhje me çdo njëërën prej ngjarjeve të mësipërme në kufirin deri 3 % të shumës së siguruar.

4. PËRJASHTIME

Nuk do të mbulohen dëmet e shkaktuara nga:

4.1. Implazoni.

4.2. Fitimi i munguar dhe dëmet vijuese të çdo lloji dhe natyrë të tilla si dëmet për shkak të vonesave, moskryerjes, humbjes së kontratës, gjobat etj.

4.3. Dëmtimi nga zjarri i objekteve të siguruar shkaktuar nga vënia e tyre në zjarre utilitare (zjarre përdorimi ose shërbimi) ose nga trajtimi i tyre, kjo do të zbatohet gjithashtu për objektet në të cilat ose përmes së cilave prodhohet ose perçohet zjarri ose nxehësia utilitare;

4.4. Djegiet sipërfaqesore, përveç se kur shkaktohen nga njeri prej rreziqeve të mbuluara

4.5. Në motoret me djegie të brendshme, shkaktuar nga shperthimet e ndodhura brenda dhomes së djegies;

4.6. Në kontaktet e çelësive elektrike si rrjedhojë e presioneve të gazrave që lindin brenda tyre;

4.7. Në çdo makineri dhe aparaturë elektrike, ose në çdo pjesë të instalimit elektrik shkaktuar nga rryma elektrike me ose pa ndodhjen e zjarrit (p.sh. si pasojë e mbirrymes, tejkalimit të kufijve normale të tensioni, mbitensionit ose nentensionit, defekteve të izolimit si qarqe të shkurtera, kontakte trupore ose defekte tokezimi; kontaktit të pamjaftueshem, mosfunksionimit të instalimeve të matjes, kontrollit ose sigurisë);

4.8. Në çdo makineri dhe aparaturë elektrike, ose në çdo pjesë të instalimit elektrik si pasojë e rrufesë, nëse ky dem nuk është shkaktuar nga goditja direkte e rrufesë;

4.9. Me dashje ose nga pakujdesia e rende të Siguararit;

4.10. Direkt ose indirekt nga veprimet (aktet) keqdashese, me dashje ose nga pakujdesia e rende të anetareve madhore të familjes së të Siguararit;

4.12. Shperthimi berthamor, rezatimi berthamor dhe ndotja radioaktive;

4.13. Lufta e çdo lloji, invazioni, luftime të tjera të armatosura pavaresisht në se është deklaruar lufta ose jo, lufta civile;

4.14. Turbullira civile, revolucione, levizje separatiste, kryengritje popullore, rebelime, revolta, puçe, grushte shteti, eksode;

4.15. Konfiskime, rekuizime, shtetizime të detyruara të kryera me urdher të çfaredolloj qeverie apo autoriteti shtetëror;

4.16. Trazira, greva, sabotimi, terrorizmi.

4.17. Shpallja e ligjit të luftes, deklarimit dhe vendosjes së "Gjendjes së Jashtezakonshe", anarkia ose mosfunksionimi i shtetit, ofte edhe në pjesë të caktuara të vendit.

5. POLICA E SIGURIMIT

5.1. Kontrata e sigurimit ose (Polica e sigurimit) që Siguruesi i leshon të Siguararit, verteton lidhjen e kontrates së sigurimit.

5.2. Siguruesi leshon "Policen e Sigurimit" dhe percakton primin e sigurimit në baze të Pyetesorit, Kerkeses per Sigurim dhe deklarimeve të bera nga I Siguarari.

5.3. Kerkesa, njoftimet e deklarimet e tjera të të Siguararit i bashkëngjiten "Polices se Sigurimit" dhe janë pjesë përbërëse e saj.

5.4. I Siguarari është përgjegjës lidhur me saktësinë dhe vërtetësinë e njoftimeve dhe deklarimeve të bëra prej tij.

5.5. Siguruesi ka të drejtë të verifikojë vërtetësinë e njoftimeve dhe deklarimeve të të Siguararit dhe të kryejë inspektime për saktësim të dhënash.

5.6. Nëse "Polica e Sigurimit" humbet ose dëmtohet në masën që bëhet e pavlefshme, me kërkesën dhe shpenzimet e të Siguararit, Siguruesi duhet të lëshojë një dublikatë të saj.

6. PRIMI I SIGURIMIT

6.1. I Siguarari detyrohet t'i paguajë Siguruesit primin e sigurimit sipas shumave dhe afateve të përcaktuara në kontratë.

7. PERIUDHA E SIGURIMIT

7.1. Përgjegjësia e Siguruesit do të fillojë në momentin kohor të përcaktuar në policë, edhe nëse pagesa e primit të sigurimit kryhet më parë.

8. PJESA E ZBRITSHME

Në rastet e ndodhjes së ngjarjes së sigurimit do të zbatohet pjesë e zbritshme dhe/ose franshizë.

9. DETYRIME TË PALËVE

9.1. I Siguarari, në kohen e lidhjes së kontratës së sigurimit, duhet të informojë me shkrim Siguruesin për të gjitha rrethanat e njohura prej tij dhe që janë thelbësore për vlerësimin e rrezikut.

9.2. Rrethanat janë thelbësore nëse ato janë të një natyre të tillë që mund të ndikojnë në vendimin e Siguruesit për të përfunduar ose jo kontratën, apo për kushtet që duhet të vendosë.

9.3. I Siguarari duhet të plotësojë të gjitha kërkesat e sigurimit teknik dhe mbrojtjes nga zjarri përshkruar në rregullore, dispozita ose në kontratë të pasqyruara në proces-verbal;

9.4. I Siguarari duhet të ketë të regjistruara letrat me vlerë dhe dokumenta të tjerë, koleksione dhe objekte të tjera për të cilat janë parashikuar që të kryhen regjistrime, dhe t'i ruajë ato në mënyrë të tillë që të mos ketë mundësi të dëmtohen ose humbasin së bashku me objektet e siguruar.

9.5. I Siguarari nuk mund të kryejë ose lejojë ndryshime që sjellin shtimin e rrezikut, pas plotësimit të kërkesës për sigurim dhe pa miratimin me shkrim të Siguruesit

9.7. Nëse I Siguarari nuk arrin të plotësojë kushtet e përcaktuara më sipër, Siguruesi, brenda një muaji nga dita që ka marrë dijeni, mund të zgjidhë kontratën e sigurimit duke e njoftuar të Siguararin me shkrim.

9.8. Siguruesi ka të drejtë të ndryshojë masën e primit të sigurimit, të shumës së sigurimit ose afatin e sigurimit si dhe zgjidhjen e kontratës së sigurimit, nëse I Siguarari me qëllim nuk i përbush detyrimet sipas paragrafit 9.1 dhe 9.2.

9.9. Siguruesi gjithashtu mund të zgjidhë kontratën e sigurimit nëse i është dhënë informacion i gabuar, ndërsa primi i sigurimit nuk i kthehet të Siguararit.

9.10. Siguruesi lirohet nga detyrimi për dëmshpërblim, kur shkak i dëmit është një rrethanë që nuk i ishte bërë e njohur atij nga I Siguarari.

9.11. Siguruesi do të çlirohet nga detyrimet e tij nëse I Siguarari përpiket të paraqesë në mënyrë të shtrëmbër ose mashtruese faktet para Siguruesit, fakte të cilat kanë rëndësi për mundësinë ose masën e dëmshpërblimit.

9.12. Këto dispozita janë të vlefshme edhe për Përfituesin, nëse vërtetohet nga Siguruesi se ai ka kishte dijeni për pasaktësinë e deklarimeve ose harresave në lidhje me rrezikun

10. MBISIGURIMI

10.1. Nëse shuma e siguruar e tejkalon ndjeshëm vlerën e sigurimit, atehere si Siguruesi ashtu dhe I Siguarari mund të kërkojë zvoglimin e shumës së sigurimit, ndërsa primi i sigurimit do të pakesohet perkatesisht.

10.2. Nëse I Siguararin lidh kontratën e sigurimit me qëllim që të arrijë përfitime të paligjshme nga mbisigurimi, kontrata quhet e pavlefshme. Siguruesi, ka të drejtën e mbajtjes së primit të sigurimit

11. NËNSIGURIMI

11.1. Nëse në momentin menjëherë para ndodhjes së ngjarjes së sigurimit shuma e siguruar është më e ulët se vlera e sigurimit, dëmshpërblimi i llogaritur do të shumëzohet me koeficientin e nënsigurimit.

11.2. Koeficienti i nënsigurimit përcaktohet si raport i shumës së siguruar ndaj vlerës së sigurimit.

12. NJOFTIMI I NGJARJES SË SIGURIMIT

Në rastin e ndodhjes së ngjarjes së sigurimit, I Siguarari duhet:

12.1. Të njoftojë me shkrim Siguruesin menjëherë duke specifikuar rrethanat e ngjarjes, si dhe të njoftojë organet e rendit e njësitë zjarrfikëse. Njoftim i tillë do të quhet i dhënë Siguruesit menjëherë, nëse është dërguar brenda 24 orëve nga ndodhja e ngjarjes;

12.2. T'i japë menjëherë rajonit përkatës të policisë një listë të objekteve të dëmtuara;

12.3. Të shmangë ose minimizojë humbjet ose dëmtimet me sa është e mundur dhe gjatë këtyre veprimeve të ndjekë udhëzimet e Siguruesit; të kërkojë dhënie të këtyre udhëzimeve në se lejohet kushtet;

12.4. Të blloktojë librat e llogarisë dhe dëshmi të tjera të pasurisë së tij;

12.5. Të lejojë Siguruesin, me kërkesën e tij dhe për sa është e arsyeshme, të hetojë lidhur me shkakun dhe shumën e humbjes si dhe masën e dëmshpërblimit, duke i dhënë çdo informacion që ndihmon hetimin;

12.6. Të mos ndryshojë asgjë në vendngjarje pa miratimin e Siguruesit, në se është e mundur;

12.7. T'i dorëzojë Siguruesit brenda 10 ditëve nga ndodhja e ngjarjes një listë të firmosur të të gjitha objekteve të humbura, dëmtuara apo shkatërruara, sipas formularit të dhënë nga Siguruesi, si dhe vlerën për të cilën kërkohet dëmshpërblehet.

13. DËMSPËRBLIMI

13.1. Detyrimi i Siguruesit për dëmshpërblim kufizohet deri në masën e shumës së siguruar.

13.2. Dëmshpërblimi nuk do të jetë më i lartë se masa e humbjes, edhe nëse në momentin e ndodhjes së ngjarjes së sigurimit, shuma e siguruar është më e lartë se vlera e sigurimit.

13.3. Pas likuidimit të dëmit, objektet mbeten të siguruar deri në mbarim të afatit të kontratës së sigurimit, për diferencë midis shumës së siguruar dhe dëmshpërblimit të paguar, duke bërë për këtë shënime të veçanta në policën e sigurimit.

13.4. Me kërkesën e të Siguararit, shuma e sigurimit mund të rritet duke paguar prim shtesë dhe shënimet përkatëse në "Policen e Sigurimit".

13.5. Siguruesi, brenda 30 ditëve nga data e marrjes së dokumentave të dëmit nga I Siguarari, detyrohet të kryejë pagesën e dëmit.

13.6. Nëse I Siguarari përpiket të paraqesë në mënyrë të shtrëmbër ose mashtruese faktet para Siguruesit, fakte të cilat kanë rëndësi për mundësinë ose masën e dëmshpërblimit, Siguruesi do të çlirohet nga detyrimet e tij

13.7. Siguruesi duhet të shpjegojë me shkrim arsyet e refuzimit të dëmshpërblimit.

14. ZGJIDHJA E MOSMARRËVESHJEVE

Mosmarrëveshjet midis Siguruesit dhe të Siguararit kur nuk zgjidhen me mirëkuptim zgjidhen nga Gjykata e vendit ku është lidhur Kontrata e Sigurimit